



INUIT AQQINIK AKUERSISARTUT

Decembarip aallaqqaataani 2009, nal. 09.30
ataatsimiinnerannit imaqarniliaq

Peqataapput: Carl Chr. Olsen, Sofie Petersen aamma Ellen J. Karlsen
Imaqarniliortoq: Nuka Møller

Oqaluuserisassat:

1. **Tikilluaqqusineq** – Siulittaasoq tikilluaqqusivoq.
2. **Kingullermik ataatsimiinnerni imaqarniliat akuerineqarneri**
Imaqarniliat akuerineqarput.
3. **Atit akuerisassat** (Ilanngussat takukkit):
 - a. **Aajuna** – marloqiusanik isumaqarsinnaanera pillugu uparuartorniutaaneralu erseqqippallaaqimmat akuerineqanngilaq.
 - b. **Maleraq** - akuerineqarpoq
 - c. **Najanuka** - ateq ataatsimoortut akuerineqanngilaq atit immikkoortutut isigineqartussaammata. Taamaattoq erseqqissaatigineqarpoq IAA-p atsiisarnermut malittarisassiaanni piunasaqaatigineqarmat atit amerlanerpaamik tallimaassasut (2007, imm. 6.). Qinnuteqaammi Marie imalt. Marianngussappat ajornanngilaq DK-mi akuerisaneereermat tamannalu kirkeboginik allattuisartup isumagisinnaavaa.
 - d. **Aadi** – kalaallit atiattut akuerineqanngilaq, d aterni atorineqarnissaa innersuutigineqanngimmat. Nunat tamalaat akornanni atorineqartut nalunaarsorsimavoq, taamaattoq Qallunaat Nunaanni akuerisaniippoq Adi taannalu qinnuteqartunut innersuutigineqarsinnaavoq, immikkut Qallunaat Nunaanni Aadi akuereqqullugu qinnutigissanngikkunikku.
 - e. **Mukki** - akuerineqarpoq.



4. Aqqit isumaat pillugit akissuteqarfigisat (31.10.09 – 30.11.09):

Aqqit isumaat pillugit saaffiginnissutaasimasut tusaatissatut tiguneqarput. Ukiuumoortumik nalunaarusiassamut IAA-p akuerisaannut ilanngullugit amerlassusii nalunaarsorlugit ilanngunneqassasut aalajangerneqarpoq.

5. Taasariaqartut allat

a. Kingullermik ataatsimiinnerup kingorna ilaasortat marluk PhD-nngorniaq naapissimavaat. Taassumap uparuartuutigisimavaa aalajangersagaq Kaajallaasitaq nr. 1 /86-iminngaanneersoq imm. 8-mi, ima oqaasertalik: “..(*mik nalunaaqutserneqarsimasut) niviarsiaqqanit nukappiaqqanillu aterineqarsinnaapput. Aqqit taakku taamaallaat atorineqarsinnaapput nukappiaqqamut / nukappiaqqap niviarsiaqqamullu / niviarsiaqqap aqqanik paatsuugassanngitsumik ilaneqarunik.”

Saaffiginnittup oqaatigisimavaa tupigalugu qallunaat aqqanik atserneqartup suaassusianik ersersitsisumik piumasaqaateqartoqarsimammat, tamannalu kalaallisut atsiisarnermut naapertuutinnginnerarlugu.

IAA-mi ilaasortat aalajangerput saaffiginnittoq ilisimatinneqassasoq kaajallaasitaq tamanna ukioq 2007-imi allamik taarserneqartoq imm. 7-inngorlugu ima: “Nalunaarsuummi aterpaaluit niviarsiaqqanit nukappiaqqanillu aterineqarsinnaasut *-mik nalunaaqutserneqarsimapput.”

Erseqqissaatigineqassaaq Kaajallaasitaq nr. 1 /86 atorunnaarluni 2007-imi Atsiisarnermut ilitsersuutit Inuit Aqqinik Akuersisartunit aalajangerneqartut immikkoortoq 7-imit taarserneqareersut, taamanikkulli aalajangersagaasimasooq naapertuuttutut isigineqanngimmat. Aammattaaq erseqqissaatigineqassaaq qallunaat aqqinik atsiisarnissaq piumasaqatigineqarsimanngitsoq.

b. Inuuneq atitut akuereqqusaq. Palasi suliami tassani ingerlatsisimasooq allaffigineqarsimavoq. akissutaanilu erserpoq tusatsiakkat naapertorlugit nammineq atsiinissaq aalajangersimagaa. IAA-mi ilaasortat naapillutik suli aalajangivinngitsut tamanna pisimammat, atissatullu qinnutigineqartoq IAA-p kingullermik ataatsimiikkami akuerineqanngimmat, palasi/palaseqarfik pineqartoq ilisimatinneqassaaq akuerineqanngitsoq utertittariaqartorlu.

c. **Tulliani ataatsimiinnissaq** pissaaq ataasinngornermi decembarip 21-ani nal.10.00 Oqaasileriffimmi.

Inussiarnersumik inuulluaqqusilluta

Carl Chr. Olsen
Siulittaasoq

Nuka Møller
Suliassanik isumaginnittoq